



ТОШКЕНТ ОҚШОМИ

Газета 1966 йил
1 июлдан
чиқа бошлаган

ШАҲАР ИЖТИМОЙ-СИЁСІЙ КУНДАЛИК ГАЗЕТАСИ

№ 188 (11.499)

Баҳоси эркин нарҳда

МАМЛАКАТИМИЗДА

● Муборак Рамазон ҳайити муносабати билан Ўзбекистон Республикаси Президенти Ислам Каримов номига қатор хоржий мамлакатлар ва халқаро ташкилотлар раҳбарлари номидан самимий қутловлар келмоқда.

● Ўзбекистон Республикаси Олий Мажлиси Қонунчилик палатаси Халқаро ишлар ва парламентлараро алоқалар қўмитасида Ўзбекистон Республикаси Президенти Ислам Каримовнинг «Жаҳон молиявий-иқтисодий инқирози, Ўзбекистон шароитида уни бартараф этишни йўллари ва чоралари» китобига халқаро жамоатчилиқнинг муносабати масаласида кенгайтирилган йиғилиш бўлиб ўтди.

● Кеча мамлакатимизда аънавий «InfoCom — 2009» — Ахборот коммуникация технологиялари ҳафталиги бошланди. Ҳафталик дастуридан мазкур соҳани такомиллаштиришга қаратилган қатор тадбирлар ўрин олган. Мутахассислар ва кўп сонли замонавий ахборот ресурсларидан фойдаланувчилар ушбу форумда ўзлари учун қизиқарли ва фойдали янгиликлар билан танишишлари мумкин.

● Пойтахтимизда Ўзбекистон Республикаси Олий Мажлиси Қонунчилик палатасининг Меҳнат ва ижтимоий масалалар қўмитаси ҳамда Соғлиқни сақлаш вазирлиги томонидан ташкил қилинган илмий-амалий семинар кўрак сутининг ижтимоий муҳофазасига оид меъёрий-ҳуқуқий ҳужжатларнинг такомиллаштиришга бағишланди.

● «Қамолот» Ёшлар Ижтимоий Ҳаракати Марказий кенгашида Ўзбекистон Хотин-қизлар қўмитаси, БМТ ривожланиш дастурининг «Ўзбекистонда хотин-қизларнинг имкониятларини кенгайтириш учун ҳуқуқий ва ташкилий салоҳиятини ривожлантириш лойиҳаси» доирасида аёллар ҳуқуқларини ҳимоя қилишга қаратилган давра суҳбати бўлиб ўтди.

● Тошкент шаҳар Металлургия ва машинасозлик саноати тармоқлари ходимлари касба уюшма қўмита раислари кенгашининг раёбат йиғилиши бўлиб ўтди.

● Наманган муҳандислик-педагогика институтининг «Олтин давр» мажмуасида Ўзбекистон маданияти ва санъати форуми жағмараси ҳамда «Қамолот» Ёшлар Ижтимоий Ҳаракати Марказий кенгаши билан ҳамкорликда ўтказилаётган «Келажак овози» — 2009» республика танловининг вилоят босқичи голибларини тақдирлаш маросими бўлиб ўтди.

ЖАҲОНДА

● Американинг Dell компанияси Ирландиянинг Лимерике шаҳридаги заводини ёпди. Бунинг натижасида 2400 нафар ходим ишсиз қолди.

● Испаниянинг шимоли-шарқда жойлашган Сарагоса шаҳрида бир неча минг киши норозилик намойиши ўтказишди. «Рейтерс» хабарига кўра, улар Opel корпорациясининг кўҳна қитъадаги корхоналари ёпилишига қарши норозилик билдиришмоқда.

● Грузия пойтахти Тбилис шаҳрида собиқ бетон заводининг беш қаватли биноси кулаб тушди. Хабарларга кўра, бир киши вайроналар остида қолган. Ҳозирда ҳалокат жойида қутқарув ва қидирув ишлари олиб борилмоқда.

● Калифорния штатининг Лос-Анжелес округи ҳуқуқ-тарғибот органлари 13 ёшли болага нисбатан жиноий иш очишди. Эл-Монте шаҳрида яшовчи бу болакай кўриқхонага ўт қўйишда айбланмоқда. 25 август кунини кўриқхонада бошланган ёнғин оқибатида 7,7 квадрат километр майдондаги дархатлар ва ҳайвонот олами нобуд бўлган.

● Франция Президенти Никола Саркози жорий йилнинг 24-25 сентябрь кунлари АКШнинг Питтсбург шаҳрида ташкил этиладиган «Катта йиғирматалик» (G20) етакчилари саммитида қатнашишдан бош тортишини маълум қилди. Хабарларда айтилишича, агар G20 га аъзо мамлакатлар етакчилари банк раҳбарларига қўланадиган бонуслар микдорининг чекланиши хусусида аниқ қарор қилмасалар, Никола Саркози саммитда иштирок этмайди.

● НАТОнинг янги бош қотиби Андерс Фог Расмуссен альянсини тезкор, мосланувчан, жипслашган ва замонавий қаҳриқларга жавоб берувчи тузилмага айлантиришни хоҳляпти. Унинг таъкидлашича, Афғонистон — НАТО ўзини бербурд қилишга йўл қўйиши мумкин бўлмаган синовдир, шунинг учун европаликлар мазкур миссияда фаол қатнашишлари шарт.

● Буюк Британиянинг нефть трейдери «Trafigura» 2006 йилда Кот-д'Ивуар пойтахти Абиджон шаҳри яқинида «қора олтин» саноати чиқиндиларини жойлаштириш асносида мамлакат аҳолисига етказилган зарар микдорини яширишга уринган. Расмий манбаларда таъкидланишича, «Trafigura» компаниясининг нефть чиқиндиларидан ажралувчи водород сульфид бугидан заҳарланиш оқибатида 15 киши ҳаётдан кўз юмган, 69 нафар фуқаро шифохоналарга ётқизилган.

ПОЙТАХТНИНГ

2200
2009
ТОШКЕНТ

БИР КУНИ



Иқтисодиёт

САМАРАДОРЛИК ОРТМОҚДА

Ички ва ташқи бозорни чуқур ўрганиш асосида тадбиркорларимиз томонидан тайёрланаётган маҳсулотлар бугунги кунда сифати ҳамда рақобатбардошлиги билан харидорларни жалб этмоқда.

Бу, албатта, мамлакатимизда кичик бизнес ва хусусий тадбиркорликни ҳар томонлама қўллаб-қувватлашга қаратилган эътибор, яратилган шарт-шароитлар самарасидир. Ана шундай имкониятлардан оқилона фойдаланаётган «MET FUR SERVIS» масъулияти чекланган жамияти тадбиркорлари ҳам йилдан йилга ишлаб чиқариш ҳажмини ошириб, маҳсулот турларини кўпайтиришга муваффақ бўлишяпти.

— Фаолият бошлаганимизда кичик цехда 14 нафар ишчи меҳнат қилган бўлса, бугунга келиб уларнинг сафи 90 нафардан ортиқни ташкил этмоқда, — дейди корхона раҳбари, «Ташаббус—2009» кўрик-танловининг пойтахт босқичи голиби Шавкат Халилов. — Хориждан янги технологик линиялар олиб келиб цехларимизни кенгайтирдик. Чунки бозор иқтисодиёти шароитида, албатта илғор технологлардан, замонавий технологик дастгоҳ ва уску-

налардан фойдаланмай, талаблар даражасидаги маҳсулот ишлаб чиқариш, бозорда ўрин эгаллаш, буюртмачилар сафини ошириш жуда мушкул. Бугунги кунда ҳам маҳсулотларимиз турини кўпайтиришга мақсадида Жанубий Корея ва Хитойдан юксак унумли технологик линиялар келтиришга ҳаракат қилаялмиз. Асосий мақсадимиз маҳсулотларимизнинг сифат менежмент тизимини ISO 9001-2000 халқаро стандарт талабларига жавоб беришга эришидир.

Тадбиркорлар тайёрлаётган маҳсулот турлари ҳозирда 250 хилдан ортиб кетди. Ишлаб чиқарилаётган фурнитур ашёлари ва автомобиллар учун бутловчи қисмлар сифатига алоҳида эътибор қаратилаётгани боис ҳам буюртмалар кўпайиб, ишлаб чиқариш ҳажми ортмоқда. Ўтган йилда 1 миллиард 384 миллион сўмлик маҳсулот тайёрланган бўлса, жорий йилда ушбу рақамни салкам 2 ба-

раварга ошириш кўзда тутилмоқда. Шунингдек, халқаро андозаларга мос товарларни Россия, Руминия, Хиндистон сингари давлатларга экспорт қилиш режалаштирилган.

Шуни алоҳида таъкидлаш ўринлики, автомобиллар учун бутловчи қисмлар тайёрлашда мазкур жамоа аҳли мамлакатимизда етакчилардан саналиб, маҳаллийлаштириш дастури асосида ана шундай маҳсулотлар турларини кўпайтиришмоқда. Бу эса маҳаллий автомобилсозларимизга қўл келмоқда. Мухими эса четдан келтирилмайдиган ана шундай бутловчи қисмлар билан бемалол рақобатлаша оладиган корхона маҳсулотлари ҳам сифати, ҳам бир мунча арзонлиги билан ажралиб туради.

Шарифа ИЛЁСОВА
СУРАТДА: янги технологик линиялар тадбиркорларга сифатли маҳсулот тайёрлашда қўл келмоқда.
Ҳакимжон Солиҳов
олган сурат

ЎЗБЕКИСТОН «ТОЛЕРАНЦ» ХАЛҚАРО ФЕСТИВАЛИДА

Германиянинг Бонн шаҳрида ҳар йили аънавий тарзда ўтказиб келинадиган «Толеранц» дунё халқлари маданияти халқаро фестивали бўлиб ўтди.

Фестиваль шартларига кўра, унинг ташкилотчилари томонидан ҳар бир иштирокчи давлат вакиллари ҳамда мамлакатлари маданияти, санъати ва сайёҳлик имкониятларини намойиш этишлари учун павильонлар ташкил этилди.

Шаҳарнинг энг катта маданият ва дам олиш боғларидан бири — «Рейна» (Rheinau)да бўлиб ўтган фестивалда Германия Федератив Республикасида аккредитациядан ўтган 70 дан ортиқ мамлакатнинг дипломатик ваколатхоналари, турли халқаро ва ижтимоий-гуманитар ташкилотлар қатнашди.

Мамлакатимизнинг Франкфурт-на-Майнедаги Бош консуллиги ва «Германия — Ўзбекистон» дўстлик жамияти томонидан ташкил этилган Ўзбекистон павильони кўпчиликнинг эътиборини ўзига тортиди. Ута моҳирона безатилган павильонда Ўзбекистон халқ амалий санъати буюмлари, қўллаб қулоллик, тикувчилик, зардўзлик маҳсулотлари ва турли нақш-уймакорлик ҳунармандчилиги билан таърифланган усталарнинг асарларидан намуналар намойиш этилди.

Мустақилликнинг 18 йиллиги давомида Ўзбекистоннинг ижтимоий-иқтисодий, илмий ва маданий-гуманитар соҳалардаги тараққиётига бағишланган ахборотларни ўзига муҳасам этган стенд ҳамда яқинда 2200 йиллиги кенг нишонланган Тошкент шаҳрининг бугунги ва тарихий ҳақидаги ранг-баранг суратлар билан безатилган китоблар, рисола ва буклетлар фестивал меҳмонларида катта қизиқиш уйғотди.

Фестивалда Ўзбекистон павиль-

онига мингдан ортиқ одам таъриф буюриб, улар Ўзбекистон, унинг маданияти ва тарихи билан танишиш асносида, турли ўзбек миллий таомларидан татиб кўриш имкониятига ҳам эга бўлишди.

— Ўзбекистонлик шерикларимизнинг ушбу ҳар йили ўтказиладиган фестивалда фаол қатнашиши аънамага айланган бораётганини айтиш бизга мамнуният бағишлайди, — дейди «Германия — Ўзбекистон» дўстлик жамияти ижрочи директори Дагмар Херманн. Унинг фикрига кўра, ушбу фестивал Германиянинг кенг жамоатчилигини хоржий мамлакатлар, хусусан, ўзининг қадимий тарихи ва ноёб маданияти билан дунёга машҳур бўлган Ўзбекистон билан яқиндан таништиришда жуда муҳим аҳамият касб этади.

— Бугун мен ушбу ажойиб фестивал туғайли ўзининг қадимий шаҳарлари билан дунёга донги кетган, Буюк Ипак йўлида жойлашган, бой маданият ва тарихий меъморий ёдгорликларга эга мамлакатимиз ҳақида маълумот олиш имкониятига мушарраф бўлдим, — дейди Ўзбекистон павильонининг кўп сонли меҳмонларидан бири, Германия — Болгария форуми директори А.Боммерхайм.

У Ўзбекистон раҳбарияти томонидан ўзбек халқининг фахри бўлган миллий қадриятлари, тарихий ва маънавий меросини тиклаш ҳамда уни авайлаб асраш борасида олиб борилаётган сайёҳаракатларини юқори баҳолади.

Шухрат УМИРОВ,
«Жаҳон» АА,
Берлин

«Tashkent open — 2009» МАМЛАКАТИМИЗДА ТЕННИС ЮЛДУЗЛАРИ ЁҒДУСИ



Қутлуг келган шу ҳафта пойтахтликлар учун, қолаверса бутун мамлакатимиз спорт ихлосмандлари ортиқиб кутган «Tashkent open» турнири билан бошланди.

Аёллар ўртасида аънавий ўтказиб келинадиган ушбу очик чемпионат бу йили ўн тўртинчи марта ташкил этилмоқда. Голиблик учун унда Россия, Франция, Португалия, Австралия, Германия, Хитой, Туркия, Беларуссия, Украина, Қозоғистон, Қирғизистон, Туркменистон — 20 га яқин мамлакатнинг кучли теннисчилари куч синишишди.

Бутунжаҳон аёллар теннис уюшмаси мақоми остидаги «Tashkent open» турнирига ҳар сафаргидек, Ўзбекистон теннис заҳиралари спорт мактаби меҳмонлик қилмоқда.

Эслатиб ўтамиз, Тошкентда аънавий тарзда ўтказиб келинаётган аёллар ўртасидаги мазкур турнирга асос 1996 йилда солинган бўлиб, дастлаб уч йил мобайнида ITF — Халқаро теннис федерацияси таркибидаги «челленжер» мусобақалари сифатида ташкил этилган. 1999 йилдан бошлаб эса WTA жадвалига «Tashkent open» номи билан киритилиб, саккиз йил давомида жаҳон мусобақаси сифатида мунтазам ўтказиб келинмоқда. Шу вақт ичида бу турнир иштирокчилар таркиби жиҳатидан ҳам ўз нуфузини ошириб бораётди. Деярли ҳар йили мусобақаларда дунёда биринчи йиғирмалик ва элликликдаги кучли теннисчилар қатнашаётганини фикримиз далилидир. Шу билан бирга «Tashkent open» қўллаб истеъдодли ўсмир ёшлар профессионал жиҳатдан юқори поғоналарга кўтарилишида ҳам трамплин вазифасини ўтамоқда десак, мулолага бўлмайди. Зеро, мамлакатимизда илк бора эришган муваффақиятлари туғайлигина уларнинг ақсарияти бугунги кунда жаҳон кучли теннисчилари қаторидан муносиб ўрин эгаллашга мушарраф бўлаётди.

(Давоми 4-бетда).

ҚИСҚА САТРАЛДАРДА

Тошкент шаҳар ҳокимлигининг Ахборот хизмати ва ўз муҳбирларимиз хабарларидан.

✓ **ТОШКЕНТ** молия институтининг 1-талабалар турар жойида «Ёшлар ўртасида гивандлик ва ҳуқуқбузарликнинг олдини олиш» мавзусида ўтказилган давра суҳбатида талабалар, ўқитувчилар, шифокорлар, ички ишлар хизмати ходимлари иштирок этишди.

✓ **ТОШКЕНТ** Тиббиёт академиясида талабалар, ўқитувчилар, шифокорлар ҳамда ҳуқуқни муҳофаза қилувчи идоралар вакиллари иштирокида уюштирилган давра суҳбати ҳуқуқбузарлик ва жиноятчиликнинг олдини олиш масалаларига бағишланди.

✓ **МИРЗО** Улуғбек номидаги Ўзбекистон Миллий университетида талабалар, ўқитувчилар иштирокида ёшларнинг жамият тараққиётида тугган ўрни масаласига бағишланган маънавий-маърифий тадбир бўлиб ўтди.

✓ **ҲАМЗА** туманидаги кўзи ожизлар мактаб-интернатидан тарбиячилар, тарбияланувчилар иштирокида ўтказилган хайрият тадбири «Меҳр-муруватли бўлайлик» деб номланди.

